



Nuuk ulloq 07. septembari - 2018

SULEQATIGIISSTISUT
SAMARBEJDSPARTIET

Inatsisartut Suleriaasianni § 37 imm. 1 naapertorlugu Naalakkersuisunut apeqqut imattoq matumuuna saqqummiuppara:

Naalakkersuisunut apeqqutit:

1. Naalakkersuisut qanoq iliorniarlutik eqqarsarpat qinigaaffiup iluani pitsanngorsarniarlugit perorsasut socialpædagogit aamma ilinniarsimanngitsut sulinerminni atugaat?

2. Naalakkersuisut qanoq iliuuseqarniarpat tamakku ilinniarsimanngitsutut sulisut piginnaanngorsarniarlugit?

- Uani eqqarsaatigaagut meeqqanik inuusuttunillu sullisisut meeqqerivinni aamma ulloq unnuarlu angerlarsimaffinni.

3. Naalakkersuisut qanoq iliorniarpat qularnaarumallugu perorsasut, socialpædagogit ilinniarsimanngitsullu meeqqanik inuusuttunillu meeqqerivinni ulloq unnuarlu angerlarsimaffinni sullisisut ilinniaqqisinnaalernissaat aamma pikkorissarsinnaalernissaallu?

4. Naalakkersuisut tigussaasumik qanoq iliuuseqarniarpat ikuukkumallutik:

A) supervisionertarnissaq qularnaarumallugu aamma perorsasut ilinniarsimanngitsullu tarnikkut oqilisaakkumallugit?

B) Qularnaarumallugu sulisussaaleqinermit eqqorneqartut sulisut ilinniaqqittarnissaat aamma pikkorissartarnissaat?

C) Sullivinni pineqartuni sulisussaaleqineq nungutinniarlugu sulissuteqarnissaq?


5. Naalakkersuisut eqqarsaatiginerlugu suliniuteqarnissartik ilinniartitsinissartillu, inunnik isumaginninnermut siunnersortinut sullisisunullu suliniutinut eqqaanartumik - kisianni tamatumuuna perorsasunut, socialpædagoginut ilinniarsimanngitsunullu meeqqanik inuusuttunillu sullisisunut sammitillugu?

Tunngavilersut:

Perorsasut socialpædagogillu nunami maani kiisalu ilinniarsimanngitsut ullutsinni meeqqanik inuusuttunillu sullisisut - nuna tamakkerlugu ulloq unnuarlu paaqqinnittarfinni sulisut ukiorpassuarni politikerinut tusaqqusaartuaraluarput.

Perorsasut socialpædagogillu kiisalu ilinniarsimanngitsut paaqqinnittarfinni sulisut ullut tamarluinnaasa ilungersorput sulinitssinni meeqqagut paariumallugit misigisaqartinniarlugillu ullunik naliginnarnik pitsasunik patajaatsunillu - taamatullu meeqqat angerlarsimaffiini meeqqat illersorumallugit imaluunniit sumiluunniit ulloq unnuarlu angerlarsimaffiittut meerartagit inuusuttagullu ulorianartorsiortut illersorumallugit.

Nunap piinik nukinnik iluatinnarnerpaanik - tassa meerartatsinnik - sullisisut atugaat ilungersunartorujussuupput ulluni naliginnarni suliaminnik isumaginninniarluarnerminni.



Akissarsiaat ajorluinnarput, meeqlallu sumiginnakkat aamma iluamik inuuneqanngitsut aatsaat meeqlerivinni, meeraaqqerivinni sunngiffimmilu ornittakkani sulisunit aatsaat paasineqartarput, tassani perorsaasut ilinniarsimasummaata taamaattunik malussarnissaminnut taamatullu aamma ilinniarsimasummaata pissusilersuuit iluamik inuuneqannginnermut ikiortariaqarnermullu takutitsut maluginissaannut.

Meeqlerivinni, meeqqat innarlerneqareersimasut tunniunneqartarfiini aamma sulisut naammaqqatullutik sulerulupput meerartagut inuusuttagullu ulorianartorsiortut iluamik paarsariumallugit.

Qineequsaarnermi partiit amerlanersaasa perorsaasut sullinniarlugit neriorsuipput kisianni manna tikillugu suli iliuuseqartoqanngilaq.

Perorsaasut, socialpædagogit taamatullu ilinniarsimanngitsut qasusorujussuullutik nalunaarput, pikkorissarnissanut ilinniaqqinnisanullu periarfissaqartitaanatik sulisut ikippallaarneri pissutigalugu - piffissaqanngilluinnaramik.

Oqaluttuaraat akissarsiatik naammaqqajangitsut aamma suleqatitik soraartartut allani ilinniarsimanngitsutut sulerusullutik, akissarsiaqarnarnerummat.

Oqaluttuarput paaqqinnittarfinni sulisut naammaqqatuttuartut - malunnarporsi tamakku tamarmik politikerinit sianigineqarpasinngilluinnartut.

Iliuuseqartoqartariaqarpoq taamaattumik Naalakkersuisunut apeqquteqarpunga arlalinnik.

Piumasarissavarput apeqqutitta ullut sullivit qulit iluanni akineqarnissaat.

Tillie Martinussen
Samarbejdspartiet - Suleqatigiissitsisut